




昨非

土岐文庫
文庫17
W168
1



文庫 17
W168
1

己卯之春大典禪師以養病辭常利雲
遊江海而不與余相見者既逾歲矣方
是時一二遊其門者梓師之平昔亦作
詩曰昨非集者而行之余聞而喜不已
余嘗從宇先生學文則師亦時二往還
其門先生每稱師之才以為釋氏之俊
傑先生既歿余與師以交相交如故蓋

亦非集序一

昭和六年二月一日贈
土岐善庵氏寄

010165189940

自古繩林以文章顯者當時公卿大夫
莫不悅其風與為方外之交是固私心
所比擬也雖然師之於文章自以為土
苴緒餘至其所道乃非世之所識也且
其辭官利雲遊江海則是其志也亦利
不可繫名聲不可拘必矣吾且恐其所
著作竟佚散而不傳焉今而有斯舉則

先得我之心者也余忝續業先生之業
同遊先生之門則雖不識師之所道有
慶斯文之有傳故序

寶曆庚辰三月己酉

侍讀 權中納言菅原家長撰



昨非集序
卷上
卷下

昨非集目錄

卷上

五言古詩四首

七言古詩四首

五言律詩七十五首

七言律詩四十九首

卷下

七言律詩三十六首

五言排律十首

七言排律一首

五言絕句四十五首

七言絕句七十六首

六言律絕二首

昨非集卷上

淡海釋顯常大典撰

五言古

雜詩



京洛繁華地千歲帝王州高低起樓閣縱橫羅街衢
 中有富子弟置酒日遨遊燂燂曳麗服嫋嫋奏時謳
 豈知窮巷士轆軻萃憂愁抱影守四壁哀此命不猶
 驅車出郭門回顧北邙頭累累多墳塚何論公與侯
 朝譙葦堂上夕暮即林丘人生不盈百栖栖何所求
 反及招隱

無為隱_レ裝_レ敷_レ陵_レ敷_レ徒_レ纏_レ牽_レ無_レ為_レ隱_レ朝_レ市_レ朝_レ市_レ多_レ拘_レ攀_レ
法_レ常_レ窺_レ雲_レ谷_レ普_レ化_レ恣_レ市_レ壓_レ由_レ來_レ釋_レ氏_レ子_レ所_レ尚_レ在_レ玄_レ玄_レ
遊_レ心_レ群_レ象_レ外_レ怡_レ神_レ太_レ極_レ先_レ遯_レ世_レ豈_レ枯_レ稿_レ處_レ穢_レ亦_レ回_レ緣_レ
秋_レ空_レ邀_レ澄_レ寂_レ春_レ木_レ藹_レ葱_レ芊_レ迢_レ遞_レ陟_レ山_レ岳_レ躊_レ躇_レ臨_レ流_レ川_レ
吉_レ士_レ懷_レ遐_レ慮_レ難_レ為_レ世_レ俗_レ傳_レ

古意咏鸚哥

鸚哥產_レ南_レ海_レ乃_レ在_レ日_レ東_レ邊_レ彩_レ絢_レ驚_レ十_レ目_レ五_レ色_レ一_レ何_レ鮮_レ
故_レ林_レ失_レ伴_レ侶_レ萬_レ里_レ受_レ拘_レ攀_レ條_レ鏃_レ紫_レ其_レ足_レ軒_レ楹_レ阻_レ風_レ烟_レ
衆_レ人_レ尚_レ異_レ物_レ吾_レ意_レ獨_レ爾_レ憐_レ瞻_レ彼_レ雙_レ飛_レ鵠_レ千_レ里_レ一_レ翺_レ翔_レ
豈_レ無_レ羅_レ與_レ網_レ逸_レ翮_レ何_レ由_レ殃_レ文_レ章_レ去_レ所_レ重_レ太_レ章_レ祗_レ自_レ傷_レ

自浪華之尼崎

袈_レ裟_レ遊_レ方_レ外_レ弱_レ質_レ厭_レ奔_レ馳_レ適_レ逢_レ天_レ日_レ霽_レ鼓_レ棹_レ向_レ尼_レ崎_レ
渺_レ渺_レ川_レ流_レ廣_レ杳_レ杳_レ孤_レ舟_レ遲_レ江_レ山_レ愜_レ宿_レ好_レ非_レ土_レ復_レ何_レ悲_レ
京_レ華_レ雖_レ洵_レ美_レ緇_レ素_レ難_レ與_レ隨_レ浪_レ速_レ風_レ塵_レ陌_レ如_レ何_レ淹_レ在_レ茲_レ
願_レ言_レ絕_レ物_レ類_レ永_レ寄_レ雲_レ林_レ湄_レ陟_レ山_レ尋_レ遐_レ異_レ循_レ水_レ問_レ抽_レ通_レ
豈_レ伊_レ事_レ安_レ佚_レ素_レ襟_レ與_レ道_レ期_レ頽_レ齡_レ能_レ有_レ幾_レ筋_レ力_レ日_レ以_レ微_レ
悠_レ悠_レ乘_レ世_レ故_レ此_レ心_レ欲_レ告_レ誰_レ

七言古

落花篇

洛城三月花如霞城上東風吹老斜斯須吹散千萬

作非集吐

點何處春風不落。花春煙靨，豈遠城闌。老氣籠烟，撲
行人，伏水。氍毹連十里。嵐山櫻樹媚，三春洛城無限。
看花客看花，不幾。蒼還落片片。墜紅委綺筵，紛紛飛
白入珠箔。珠箔綺筵，宴未終。墜紅飛白，春已空。遊客
對此長嘆息。躊躇落日，恨東風。東風昨日能開花。今
日東風復落。蒼三春行樂終。何事空令逝水送年華。
逝水悠悠去，不留兩岸花。飛隨水流，可憐羈旅扁舟。
子臨水看花，不勝愁。去歲他鄉見，蒼披今年故國想。
花衰却開明鏡，窺顏色。何似去歲看花時。年年花落
蒼復開。年年人老，人不回。不恨紅花風外落，可憐
髮鏡中催。河陽縣裏人何處。玄都觀中事，還非獨有
岩中宴坐者。落花寂寂滿禪衣。

題仇實父畫桃李園宴

李白作詩何豪放。睨千古，一謫仙。桃李園中夜開
宴。醉花坐月，延群賢。由來天地真逆旅。何用升沈苦。
百年百年只有杯中物。春去春來興自偏。園中誰種
桃李樹。紅白紛綸，蓋綺筵。銀燭交含天上月。滿座驩
娛興未央。兒女金盃開玉膾。主賓綠酒進瓊觴。明日
酒醒花便落。莫使風雨減年光。謫仙豪放終如此。至
今繪事見飛揚。仇生丹青何艷逸。寫成良宴掛高堂。

山嶽竒拔花木潤春光咫尺藹年芳一傳海外爭相
賞宛爾千古謫仙狂

讀元亨釋書

金仙法道東漸海維我神州固有待上宮太子神攸
降教化四方同覆載初有灌藏唱三論尋見性相各
枝莫十宗森列無同工三學兼修有常憲西乾縣邈
靡聞知中夏但傳三家施爭似吾邦能赫赫皇風佛
日共相期維昔平城盛帝都便從閒暇事浮屠金地
珠宮徃徃起飛樓湧殿接雲衢延曆君王北遷洛龍
蟠虎踞見雄畧由來陰翊實吾功請看千劫滿德澤

時有英俊海與澄顯密微猷勃然興金剛法窟修三
密比獻禪園闡一乘一乘三密自圓融妙契必由達
者通別有西公唱一曲迥然獨脫孰能同南詢東渡
繼不絕遂使心宗播海東鍊公也是箇中魁文章更
比班馬才法道東漸七百歲皆於此書無不談青燈
秋夜舒相對歷歷風流見前代碩匠名師鬱如林還
看後者相追配于今澆季一何淪掩卷倚案久長吁
試向青天問明月今人得似古人無

中秋宿茨木

洛城明月三十秋對月幾回思遠遊此日脩然餅鉢

去秋中月滿孤村，頭孤村孤客。四無倫明月自東來，
照入風雨昨來，恐無月忽看雲斷。掛冰輪清影射窓，
風拂牀幽人為月，起彷徨天上。陰晴元不定，人間出
處更無常。君不見夜壑舟移，陵谷變區區。何事，事陵
援達者浮遊天地間。明月不同世人見，回頭向天看。
一月一月明明，含萬物萬物一月總如如性海圓融，
無出沒誰謂人生累樊籠。試看明月度長空，杳然獨
坐忘方所。玉露金風滿簾櫳。

五言律

早春夜坐

四山春未勻，獨坐燒烏薪。風定城頭柝，月窺窓下人。
瓶花寒自媚，燈火淡相親。莫是塵囂裡，烟霞負九旬。
擬早春遊望

異域三春至，孤身萬里愁。彩霞橫綠野，翠柳掩朱樓。
梅向笛中落，雪為鬢上留。年芳多勝事，夢寐故園頭。
暫寓湖上二首

其二

郊墟何陋有，山水有餘情。杖逐溪樵曳，席從野老爭。
春雲蒸澤國，落日澹江城。恰爾滄浪思，無人扣靜荆。
琴水今宵月，鳳城昨日花。委心何物繫，隨處即吾家。

植杖來山色揮毫假歲華不須青白眼獨嘯岸烏紗

秋夜

空林良夜月不樂欲何如移席隨清影披襟對太虛
世情閑遂淺人事懶全疎冥携書籍徜徉意有餘

秋雨

秋雨連三日密雲黯不開陰風吹地轉潦水蹴天來
鐘磬暗難報林園氣更哀寒蛩也何訴唧唧上經臺
和妙乘上人宿平流山勝乘寺韻

青山梵王地傳是西天來不夜龕燈在無邊湖鏡開
蓮寒秋後漏花散雨餘臺洵美况吾土扁舟意遠哉

遊永源寺三首

青松十里路不見一人來壘嶂行相逼清江看自理
疎林秋色盡半嶺夕陽開稍出荒村外蒼茫望梵臺

其二

山間留夕景林表出禪宮古路人蹤絕斷峯鳥道通
奔流含峽樹片葉颺寒風應是三生會來投勝境中

其三

浮生無伴侶山水有良緣曲岸疑窮路危峰欲上天
澄潭豈可染殘葉未將然落日樓臺上徘徊感昔賢
送紫石和尚歸肥前

舟棹二千里胡為君往還禪心無罣礙到處自家山
浮浪易分手睽離難解顏何當踏滄海杖錫叩柴關

哭字士新先生十首

中原論古道東海屬斯人願眇無時輩優游終隱淪
荆山埋白玉郢國罷陽春永訣黃泉路哀哀淚濕巾

其二

萬古文章道憑君且可求功名湮一代慷慨轍千秋
紫氣忽相失白楊黯自愁寥寥子雲宅非復問竒遊

其三

大業真天縱胡無假數年窮愁書未就狂簡世誰憐
跡已雲霄絕名將竹帛懸夜來孫敬戶孤月更蕭然

其四

執紼城門道封墳祗樹傍親朋一慟哭風雨益悽愴
溘往今何夕哀歌向彼蒼名山藏彩筆之子未云亡

其五

經綸洙泗術詞翰馬班情自古難兼出君今將大成
前修斷堪繼後進暗逢明尚友何人有獨思歷下生

其六

清徽聞蚤歲兄弟擅詞林白璧聯相映朱絃和作吟
謝家池上夢曹氏鄴中音嘆息雙龍劍斗間氣遂沈

其七

斯文將喪久，况乃海東隅。名物非還是，詩書有若無。空懷千古志，難奈一時迂。自起圓方感，乾坤心更孤。

其八

哲人悵萎矣，後死欲何從。雨色真傷目，月明恍見容。中原推國士，一代仰文宗。述作留千歲，還知且暮逢。

其九

百年徒獨立，恨不遇鍾期。庭少芝蘭出，門無車馬隨。騏驎老自伏，鸞鳳德何衰。直置窮途哭，那堪早立悲。

其十

夙昔忝知己，何言道不同。楊亭風雨過，蔣徑蓬蒿通。事去山河邈，憂來心緒窮。禪餘一為挽，聊且解忡忡。

除夜

寒燈花幾落，鐘漏已三更。年向閑中送，春從定裏生。沈浮堪自老，用舍奈吾情。好是韶華日，芳原任獨行。

元日

林頭栖鳥起，曉色至窓前。爐撥去年火，鼎煎新歲泉。迎人仍世態，隱几且春花。柳供青眼，含毫未得捐。

庚午二月十四日洛下諸彥見會同賦得香字
京洛足年芳，却尋寂寞鄉。地偏千畝竹，日永一爐香。

已比東林社何論北海觴怪來老更好為帶彩毫光

登勝軍山二首巔有地藏堂

何處尋靈跡躋攀萬壑中路從樹抄過山似雲間通
千古留開士一峯擎梵宮風流誰躡屐詩就故人同

其二

振衣孤嶂外把袂故人前法界臨千里化城入半天
雲浮北闕迥地拆大河連四顧方蕭瑟沈吟返照邊

酬惟宣師居北山見寄

林泉多勝事偏恨隔交歡明月蘿窓靜秋風蕙帳寒
考槃君自得卓錫我何難好是白雲色贈來賦裏看

歲杪同諸子會松鷗得青字

竹林風雨夕紆路入幽局春向爐頭漏雪從曲裏聽
綠茶禪味異彩筆梵雲停搦管聊吾好無心付汗青

七夕作

天上二星會人間一葉秋炎雲收北郭爽氣動南樓
樹影迷烏鵲月華帶斗牛興來橋畔步恍似絳河遊

箕山瀑布

何來百尺水忽怪下青天五色氣時擁一條練鎮懸
盪曾飛白雪撲面起蒼烟幽勝到斯地壯遊始自憐

送蘭公之江戶

關東從遠道洛北負芳春離合跡無定去來境即真
海雲迴望遠峰雪賦詩新行兵名都際風塵莫誤身
送隆公之江戶

九旬違結制千里向悠悠行住元無礙太來且莫留
炎塵三伏際白雪一峯頭不厭河山險還堪賦壯遊

寄猷公在江戶二首

行行千里路炎熱奈君勞杖拍芙蓉雪舟過滄海濤
秋風生賦筆客夢落綵袍此地方休夏蕭條卧自高

其二

東海曾遊地相思重倚欄浮雲千里合長路一何難

水國秋初至關門氣自寒知君旅館日誰復眼中看

寄賀田母七十初度

河內人

優哉農隙日百歲室家安菜子堂前舞潘生膝下歡
新章歌栢茂良會進桃蟠吾有金剛壽稱來寄爾看

猷公見過得裁字時公反自關東

青燈復投轄懷抱向君開落木千林下候蟲四壁哀
寒風衣未授明月賦仍裁想爾昨游處富山雪更催

又得侵字

窮巷不招客應憐抱膝吟塵談忘夜永鶉結任寒侵
白眼時名負青山傲氣深平生詞賦好未敢世中尋

早雪

鐘漏傳寒曉，何來雨雪瀟。凝華春乍見，積素晷將消。
獨坐興寧盡，高歌曲自驕。最憐紅葉上，捧出幾瓊瑤。
至後有饋，又冷者會友人見訪，留以相供，同賦。
得題字。

深院休鳴磬，寒風枉杖藜。家無山藪給，客有夕餐携。
節後春將動，燈前句共題。此生拌自得，寧復事栖栖。
病中即事二首

陰風方栗烈，抱病謝交遊。寒向茶爐避，事日藥物休。
丘園堪自貴，山水為誰酬。隨意歲將暮，逍遙伏枕頭。

其二

若言栖隱事，不必在山林。祇恐風塵化，自慚蕭艾心。
餘生一瓢足，多病二毛侵。寤寐梅花帳，據梧獨自吟。
送遵隆二公之馬嶋

馬島三千里，壯哉君此行。鯨波薰日湧，蜃氣共雲生。
滄海聯珠暎，長風雙翼成。歸來囊裡草，錦色轉誇榮。
隴頭水

隴頭一帶水，嗚咽傍連營。今古從征淚，東西關別情。
寒含邊月色，哀雜塞鴻聲。耐戍樓，夢不能到洛城。
秋夜過某氏

九陌炎氛後一亭秋氣前風煙橫萬里星月藹中天
草樹隨心遠池臺疑地偏不同看竹至自慣主人賢

喜雨

雲霓望不起旱魃病蒼生今夜千門雨也知天地情
紛看下空色颯聽度林聲最是凋傷候還會卉木榮

送劍客

仗劍行何處離愁不可論秋風吹易水落日照夷門
別去悲歌遠老來俠骨存百年空朽敢死報誰恩

夜坐有感

夜來群動息掩室絕來尋交態日何薄道思歲轉深

蓬蒿人所避山水曲將沈寂寞貧還病自憐千古心

病中謝人見贈玉糕

何處忘秋暑瓊甘供滿盆暫食忽排悶細味竟銷痕
氣奪水精冷色欺玉質溫故人憐病客相贈慰沉昏

九日雨同惟宣師賦得登字

佳辰何以報林野雨繩繩黃菊空相對青山無處登
新詩非爾和幽興向誰乘蕭索授衣日秋風更可勝

又得微字

豈少登高思禪房坐掩扉雨從千竹下雲拂一窓飛
把菊煠將老捕菜客未違北山還有約烟樹望依微

九月七日重遊某別莊三首

別業林泉好，杖藜許更過。幽期遊物表，浪迹寄山阿。
黃菊堪盈把，紫芝欲作歌。誰圖佳節後，逸興倚高多。

其二

開徑無人跡，供盤有野蔬。風塵愛嘉遯，丘壑賦閑居。
谷邃幽禽喚，園空衰葉疎。向來咏荅處，時異重躊躇。

其三

孱顏當四面，到此愜禪心。鄭谷不言昔，輞川疑在今。
孤雲歸岫口，微月照庭陰。世事真相隔，笑他勞陸沈。

登牛尾山

不知牛尾地，步步轉山腰。秋葉依人落，宿雲隨杖消。
草深林有路，崖斷澗無橋。樹杪忽回首，梵宮倚碧霄。

奉謝 寶鏡公主賜白梅香

寶薰天上名，頌賜喜恩榮。色滿銀奩潤，氣浮金鼎生。
空齋觀本寂，宿火賞餘清。不以梅香事，自知靜裡情。

梧桐落金井

西風金井欄，搖落碧梧寒。百卉秋將應，孤根氣已闌。
疎枝月偏皎，墜葉露方溥。直置齊紈恨，莫令班女看。

十四夜猷公見過賞月分韻遊字

秋光二七夕，客子過林丘。萬里浮雲盡，一天孤月流。

松篁塵外影詞賦靜中遊刹土呈光瑞相看倚梵樓
又得枝字

明夜未能知新晴得此時人間光已滿天上影猶虧
風颯樓臺夜露溥烏鵲枝坐然觀一色幽意使誰知

青松篇壽三浦氏八十一月初度

青松高幾丈蒼鬱倚雲端自保千秋色不同百卉殘
月明龍影落風散鳳鳴寒此日持稱壽蟠桃何足難

九日

九日逢新霽悠然僑舍中瓶花含曉日塔葉下西風
戶外無來屨樓頭有去鴻紅塵將練若心賞自無窮

猷公見送三樹賦謝之

三樹北山至栽培屬雨晴條新逢暖長根舊傍雲生
咫尺烟霞色尋常丘壑情便須迎杖屨招隱賦俱成

八月十三夜

天際煉雲散樓頭夜月來漸看蟾影大稍見鏡光開
庾子興寧淺謝郎賦已裁盈虧元不已時序坐相催

十四夜

秋月將圓夜祇愁雲霧陰朧朧初不見皎皎忽相臨
林樾疑霜至袈裟任露侵空堂人散後寂寞照孤心

十五夜

明月夜來陰幽人思不禁關山光暗度河漢影空沈
慘澹浮雲合朦朧樹色深無由乘興去窈窕坐為吟
十六夜

二八值新晴長空月始明幽人不得寐孤杖起嗟行
高掛輪仍滿平臨影轉清杳然忘我所恍似入瑤京
十七夜

池上風來爽林端月出遲良宵宜且賞清影未論虧
百歲姮娥藥一身烏鵲枝徘徊秋色好心事與誰期
早秋

久慣炎蒸苦不知秋色來當窓風乍動倚檻氣方催
一葉梧桐落數聲蟋蟀哀舉頭望河漢千里正昭回
萬浪藥樹二子近寄錫慶雲一日見招往饗席
上賦贈

杖錫知奚自相逢非偶然四隣寒竹色一鼎颺茶烟
禪悅元為食貧交更可憐道盟如不渝吾意在林泉
浪樹二子為余掃地賦示

林園秋雨後荒草倩君除徑似羊求至人如寒拾居
送迎無俗客洒掃自精廬清淨元吾道相看意有餘
贈太田丈人移居聖護

愛君新卜築一水隔皇城藥餌閒中日琴書物外情

養生論已著，負郭田堪耕。夜夜松間月，祇應窺靜荊。
浪華與時中，遊南郊。

蒼茫平野晚，藉艸且淹留。澄水懸林影，薰風動麥秋。
峰巒開眼界，江海入心頭。誰識支公意，相隨問一丘。
遊傳法

負郭儵然去，優遊速不窮。孤舟佳境漸，一水遠天同。
鳥沒浮杯外，山連振柁中。誰知傳法地，千載寄飄蓬。
題片生孤雲樓，生從父在浪華。

樓頭無所事，日夕望孤雲。遠岫生何去，長空飛自分。
淡含秋夜月，陰送夏天薰。為道梁公思，此時不似君。
赴野里日已夕半途而歸

落日在西山，枯藜興盡還。殘陽過野水，杳靄望岡巒。
倦鳥荒村外，歸舟寒葦間。幽期無處所，來往不妨閑。
季秋聞鐵團師之江戶遙寄此詩

相別音容隔，况聞千里東。塵沙隨世諦，家舍返心空。
關曉六環度，津晴一葦通。芙蓉新雪色，天半為君雄。
七言律

早春與友人登平流山四首

山在琵琶湖上，北距彥根二十里，相傳此西
域靈鷲，良峰昔有靈蛇，戴以來遂化為石，于

今有鮑石者山頂有二寺云

幾日閒居背壯遊因君扶病上林丘西來鷲嶺千年色北望琵琶湖萬頃流洲上春陰迷去鳥天邊夕影逐行舟詩歌自少同人和鮑石還應一點頭

其二

香刹高臨絕頂開躋攀落日倚崔嵬河流曳練東南下湖水湛藍西北迴雪色迥含山色列濤聲忽入樹聲哀袈裟自削風塵跡此地何妨濟勝來

其三

千仞岡頭欲振衣坐來巖谷世情稀蒼茫落日台山遠縹緲孤烟竹島微潛麓好須飛錫去華亭猶憶泛舟歸一丘一壑自相得不道人間萬事非

其四

西方分嶺氣雄哉下有波濤接漢迴倚檻人疑天上坐乘槎客似斗邊來洞中雲鎖蛟龍卧谷口風寒魍魎哀千載空留遐異在湖山物色為誰開

却寄

綈袍別後思氤氳西地盈盈一水分三穗春風搖美翰四橋宵月怨離群幾回寄我江頭雁何以遺君隴

上雲病懶元非中散意向來休怪不相聞

彥根送孝則之大坂問孝秩

澤畔忽違求友思海濱新動匪他情三年花鳥悲鄉國百里河山望弟兄策馬春風逢阪路維舟曉月浪華城飄零憐爾雲間志且就江南問士衡

送大潮和尚歸肥前二首

西風客舍洛陽城此日袈裟踏海行一代文章多側目百年離會奈鍾情浮杯秋水魚龍靜卓錫空山魑魅驚豈使明珠歸合浦重須清影照皇京

其二

舟楫天涯別恨深秋光欲暮海陰陰驚人尚見如椽筆輔教寧無不朽心老去津梁非自疲歸來蘿薜有誰尋憐君稱壽萱堂罷宴坐逍遙祇樹林

送俊公之阿波過夏俊肥前人

舟楫乘春下海流到來安在白雲頭九州烟霧迷鄉夢四國山川入旅遊中夜香銷趺坐靜長松風斷唄聲幽送君不折河邊柳一片禪心任去留

泰嶺律師六十壽詩

瑞烟葱鬱道場春南國風光屬若人謾說蟠桃池上發誰知優鉢劫中新戒珠深映三衣影定水還同五

濁塵便向僧祇稱上壽紺園斯日幾相親

遊清水寺

大士靈蹤此地安嵯峨飛閣夕陽殘千山秋色黃雲
合萬井炊烟蒼樹寒碧澗長懸三道雨丹崖迥架百
層欄從來寶所還非遠何事人生到更難

早春病中

抱病多時不出門空齋寂歷自朝昏烟花徒負青山
屐衾枕難窺綠草園積雪春陰殘澗壑寒梅年後綻
溪村交遊林下稀相問處處風光誰與論

擬江城早秋

孤城搖落起登臺不盡風煙金氣開玉笛吹隨涼籟
轉銀河低接大江迴二毛明鏡愁中色九辨清秋賦
裏哀千里音書鴻未至月光應照故園來

秋日西出七條

洛城西出步田園物色蕭條且避喧松樹林巒圍練
若槿花籬落擁荒村暮雲天遠丹波道秋竹烟寒朱
雀門千里邗畿千古思鳥飛鐘動向黃昏

小至夕孝稭見訪賦答

禪室何心載筆來翩翩憐爾楚中才忽驚曲裡春光
動偏議人間陽律回白壁明時愁自棄玄亭暇日好

誰開優游却入祇林境逸興還從梵唄催

寄題補陀洛伽山十首并序

曲

傳云補陀洛伽在昌國東海中梵語補陀洛
迦華言小白華或謂經說善財第二十八參
觀音菩薩即此地也夫西域有布怛洛迦山
者為觀音所居彰彰乎明矣又何以此傳會
乎然斯山也神異殊絕蓋亦大士示現之靈
蹤耳而其去日本不太遠適中華者舟所經
處以故多傳其說者余嘗讀補陀志心慕其
聖境故作此詩詩中言皆普陀志所載山
中境致故引以自註間及他

書

傳聞海外有神山縹緲禪宮鎮自關萬里波濤思彼
岸一方臺殿隔人間月明仙樂空中落夜暗龍珠洞
裡還安得此生乘寶筏白華峰上一相攀

梁貞明二年日本慧萼法師始于此築觀音院
後宋真歇禪師紹興元年泛海結庵山椒請于
朝易律為禪漸為寶坊明萬曆中勅賜護國永
壽普陀禪寺額○山有白花春開甚香山之得
名小白花必此有
白花峯白花嶺

其二

試從滄海泛扁舟神境靈岩定莊遊碧水
面青山突兀壓孤洲圓通殿地懸明月妙應峰高倚

亦非集上

廿

素秋惟有菩提堪趣向百年身世自浮漚

普陀寺有圓通大殿
妙忘峯在白衣峯西

其三

大士當年駐聖靈翠岑孤出海冥冥十方應化毫光
白七寶端巖螺髻青鳴上乾坤長劫靜人間夢寐幾
時醒尋聲救苦無窮已報土誰知此見形

其四

蘭若遙開海所邊萼公草創已千年孤槎問法中華
地萬里遺蹤南海天身與鄉關終永訣心將雲漢更
高懸自從寶所歸依去敢向人間問妄緣

慧萼法師奉橘太后詔齋幣入唐謁鹽官有安
禪師得義空長老而歸再入唐從五臺山得觀
音像將還國過補陀舟抵石不能動萼禱之曰
是無緣于我國當從何所立建精藍有頃舟行
泊于潮音洞遂於此地創建梵宇
号觀音院居焉詳見元亨釋書

其五

普陀樓閣倚蒼穹建置還將鎮海同氣霽頻迦鳴上
下風傳梵唄答西東心持半偈塵沙歇說到無生處
界空維昔高人来結宇禪流相繼說圓通

鎮海寺在普陀寺東約五里許開山大智真融
禪師明萬曆年中建之勅賜護國鎮海禪寺額
○山有頻迦鳥上下和鳴如呼佛號

其六

誰知海岸茲孤絕，千古南詢自善財。素服身從空裏現，青蓮目映水中開。五雲綺蓋龍街出，百齒蟠天擁來。方外優遊賢聖會，珊瑚樹下共徘徊。

經稱補陀洛迦山海岸孤絕處真歇了禪師自長蘆南遊浮海至此結庵山楸扁曰海岸孤絕禪林○善財事見前○宋致和元年御史中丞曹立於潮音洞見白衣相環珞被髮次及善財洞又見童子螺髻素服合掌如生善財洞在潮音洞右○山有山茶樹高數丈丹葩滿枝如珊瑚林

其七

海上祥雲五色低，天台未與此山齊。千竿紫竹含風雨，數朵紅蓮出淤泥。樹色春深圍淨刹，茶烟秋冷散

禪棲更看蜃氣生，樓閣積水長空迥自迷。

山有紫竹屠隆詩岩前紫竹長千竿○蓮花池在寺前舊植蓮與革不常多淤漲萬曆十四年忽產紅蓮數朵是年十一月勅賜瑞蓮觀音相至咸謂應斯兆焉○補陀十二景有靜室茶烟

其八

繒幡風動道場開，吹滿天花說法臺。沙色為金連塔下，鳥聲成曲起岩隈。龕燈不夜明明在海月，無邊灑灑來浩劫。悠然泥日樂笑他，辛苦問蓬萊。

金沙在紫竹林太子塔前路皆黃沙如金沙布地故名亦大士顯現處太子塔在寺前高九丈六尺皆太湖石彫刻精巧

其九

作非集止

獨上盤陀望正東扶來曉日湧波紅白雲迨虛疑無
地碧海瀰漫欲接空漢帝學情謾切秦曲
難通人生今古浮沉盡此處勝日誰共同

山有盤陀石相傳大士說法處舊有二龜至石
下聽法遂化為石其形尚存又有石五十三塊
環向盤陀今呼為五十三參石盤陀之上寂平
廣可容百餘人下臨大海東望扶來燭龍將駕
天光爛然須臾日
輪從海底湧出

其十

大悲名稱十方聞寶座巍巍現海垠洞下潮音清梵
響岩間月色白毫分返流深入三摩地赴感不臨五
濁群聳首紫金微妙相願言沙界布慈雲

潮音洞在寺西南二里洞脚插海張頭欲飲怒
風驅濤進退擊衝作海潮音故名亦大士頭現
處

與機禪遊西岡

此日吟遊爾共携衲衣晨出郭門西人家雞犬朝光
靜僧寺樓臺樹色迷搖落林巒千里目蕭條原野一
枯藜興來不是悲秋思賦就休言楚客齊

宿養雲庵呈無染和尚

暮投蕭寺喜相容雨罷開門鎖碧松嶺外秋風長野
鹿窓頭殘月善峰鐘猊床安謐無依道虎
住蹤明有儵然不分手白雲紅葉向誰供

雨夜訪猷公時有遊高雄之約

永夜千林月不明，空齋剪燭共深更。陰晴未止登山興，風雨偏憐下榻情。世上雲浮交態薄，天涯歲晚旅魂驚。病來最是拌疎放，為爾相將子墨名。

雨森先生書至賦此却寄

幾歲側身西渺漫，開緘山斗思聊寬。泗流百世斯文在，郢曲一時相和難。海上垂帷違伏枕，天涯尺素好加餐。知君不忘平生否，千里交情抵掌看。

與猷公遊高雄

洛西佳地有高雉，杖錫來尋古梵宮。峽裡清流搖碧樹，橋間晴日晒丹楓。卜居何歲茆須掩，濟勝容君藻轉工。山嶺鬱盤千古色，憑欄長嘯起悲風。

登比叡山

欲上天台久，未能提携此。日向峻嶒雲，迷澗凝樞衣。過路遶峰巒，捫薜登三輔。風烟俯堪盡，四明秋色坐。相仍靈基今，已垂千載可見金龜不夜燈。

擬送客遊洞庭

洞庭秋興杳何窮，此去騷人擊汰雄。木落湖舟來往外，夢回湘瑟有無中。南天水盡懸明月，北渚雲低下斷鴻。清夜岳陽樓上望，誰家台約起西風。

王公猷公見過得心字

鳳凰城北掩祇林，此夕碧雲君共吟。室內相容獅座靜，握中雙映蚌珠深。三冬閉戶無冠蓋，百歲同風有瑟琴。為是竺卿能載筆，淹留不負主人心。

又得歌字

松堂夜靜少誰何，憐爾墳荒入和歌。蓮漏聲留同社久，寶雲光借彩毫多。緇經只合消中好，改歲還驚客裡過。剡棹幾時却乘興，江湖吾欲老漁蓑。

冬夜猷公見過同賦得論字

空齋短景幾將昏，有客偷然偶扣門。呂駕枉勞千里達，隋珠宣向一時論。會毫徒倚來明月，伏枕蹉跎老紺園。才子如君洛陽少，慚吾詞賦為誰存。

早春夜猷公見招分韻求字

秉燭何辭為爾留，春來况復鳥相求。殘梅風冷窺園少，叢竹雲深掩室幽。一縣未催潘令興，四山且約謝公遊。年年剩有詞場色，時值同人好唱酬。

奉題 妙法灑親王山池應教

上界烟光迥不同，彩雲長見繞花宮。樹含落日池間蕩，運轉深林樹外通。梁苑賦成還白雪，荆臺望遠自雄風。真成授簡君王好，非復淮南問桂叢。

時中孝秩選遊食氏莊分韻得高字贈時中

詞客晴樓興自高浪華風物此遊遨一時林苑開金

谷萬里煙霞入彩毫握裏相投滄海月賦中雜美廣

陵濤共言延眺無多暇邂逅何妨肆席勞

又得長字贈孝秩孝秩以去歲十月去京余送之

送別寒風祇樹傷騷筵恰爾屬佳莊習池山簡何温

雅廬社陶潛自醉狂帆背夕陽江路轉山連海色暮

雲長便令君作登樓賦慷慨能無悲故鄉

岱公歸自西宮見訪席上賦贈

三春契濶難裁何謂竹林飛錫來四海交遊空我

共千秋意氣有君哉休將異代心空悵且為同塵跡

自開萬里好須成羽翼翩翩深識不群才

送孝則歸越後

陽關一唱奈情鍾送別河山路幾重上國風雲堪自

避中原鞭弭復誰逢清時心跡難投筆白髮行藏欲

學農千里空餘斗間氣敢將雷雨鎖青龍

中將藤公枉駕見過且賜詩奉謝之

不比廬山社裡盟藝園寧復共縱橫已甘輟迹尋常

絕忽見星光五七明退食聊乘祇樹興修文兼識羽

林名賡歌今值瘴瘴日何限風流翰墨情

大雪夜高居士携安田氏見過情話謝之

洛陽高卧起袁安躡屐不嫌寒興難掃雪門前迎鶴
擎敲冰瓶裡煮龍團談將攬勝披襟對交入
袂看此夕清歡投轄好况逢寒色備林巒

遊興福寺四十年前有災殿堂多失

千載精藍創業難法筵當日會衣冠古龕曉鎖殘燈
火芳艸春埋舊磔盤猿潭風光浮解凍笠山樹色滿
憑欄一朝誰料逢災劫苦問遺蹤反袂看

登元興寺塔

五層何歲瀟虛空客子躋攀思不窮倚檻半天懸杲
日振衣千里送悲風上方仙路尋常外下界人烟縹
緲中為是蒼生瞻仰切于今高顯兩都雄

觀二月堂法會

羨我臺殿倚岷懸法會千秋都史傳火照丹梯攀寶
閣香浮素帳禮金仙清鐘月落西峯曉梵吹風寒上
界天四面通霄人競詣願言三世結良緣

蘭公書至自江戶却寄

尺書遙報鳳城陰病起開緘思不禁孤錫天涯隣去
住雙魚海上問浮沉愁來春動二毛色別後花開兩
地心聞道富山高台雪勞君寫入郢中吟

壬申五月，鑿林侯奉使入京，其臣多田。維則以公事先至，維則京人，與子有好，避迨贈之。誰道關山叱馭難，翩翩衣錦入長安。只知公事無監敢，許鄉情且得寬。雙劍光隨使星動，兩都風向賦毫看。却憐幾載相思處，迨還空十日歡。

昨非集卷上

